



BOSNIA AND HERZEGOVINA
MINISTRY OF COMMUNICATIONS AND TRANSPORT



Broj: 04-16-3-2107/23
Sarajevo, 23.08.2023. godine

Na osnovu člana 17. stav (3) Zakona o javnim nabavkama („Sl. glasnik Bosne i Hercegovine“, broj 39/14 i 59/22), te na osnovu člana 61. stav 2. Zakona o upravi („Sl. glasnik Bosne i Hercegovine“, broj 32/02, 102/09 i 72/17), ministar komunikacija i prometa Bosne i Hercegovine *donosi*

ODLUKU
o pokretanju postupka nabavke

I

Pokreće se postupak javne nabavke prema sljedećem:

- Naziv predmeta javne nabavke: Održavanje i servisiranje službenog vozila Volkswagen Passat u ovlaštenom servisu (vozilo u garantnom roku);
- Brojčana oznaka i naziv predmeta nabavke iz JRJN: 50112000-3 - Usluge popravaka i održavanja vozila;
- Vrsta postupka: Konkurentski zahtjev za dostavu ponuda;
- Da li se predmet dijeli na lotove: Ne
- Vrsta ugovora: Usluge;
- Da li će biti zaključen ugovor o javnoj nabavci ili okvirni sporazum: Da;
- Period trajanja ugovora o javnoj nabavci ili okvirnog sporazuma: Tri godine;
- Procijenjena vrijednost nabavke: do 5.128,21 KM bez PDV-a;
- Okvirni datum pokretanja postupka nabavke: august 2023. godine;
- Izvor finansiranja: Budžet Ministarstva komunikacija i prometa Bosne i Hercegovine
- Podatak za koju godinu se plan donosi: 2023. godina
- Dodatne napomene: ///.

II

Za realizaciju ove Odluke zadužuje se Stalna komisija za nabavke.

III

Sastavni dio ove Odluke je Zahtjev za pokretanje postupka nabavke.

IV

Ova Odluka stupa na snagu danom donošenja i objavljuje se na internet stranici Ministarstva.


Obrazloženje

U skladu sa članom 17. Zakona o javnim nabavkama („Službeni glasnik Bosne i Hercegovine“, broj 39/14 i 59/22), postupak javne nabavke se može pokrenuti ukoliko je nabavka predviđena Planom nabavki ili ako je donesena posebna odluka o pokretanju postupka javne nabavke kojom se mijenja plan javnih nabavki. Imajući u vidu potrebu i zahtjev Odsjeka za finansijsko-materijalne poslove Ministarstva komunikacija i prometa Bosne i Hercegovine, donosi se posebna odluka o pokretanju postupka javne nabavke.

Prilog: kao u tekstu,

Dostavljeno:

- Komisija za nabavke,
- 04/3, a/a.





MINISTAR
Edin Forto

Datum: 23.08.2023. godine


PREDMET: Zahtjev za pokretanje postupka nabavke

Predmet nabavke	Nabavka usluga održavanja i servisiranja službenog vozila Volkswagen Passat u ovlaštenom servisu (vozilo u garantnom roku)
Redni broj iz Plana nabavke	
Procijenjena vrijednost	do KM=5.128,21 bez PDV-a (do KM=6.000,00 sa PDV-om)
Vrsta postupka	Konkurentski zahtjev
Prijedlog Komisije za nabavku:	Stalna komisija za nabavke
Okvirni datumi u kojima će se sprovoditi pojedinačne faze postupka javne nabavke: <i>Priprema tenderske dokumentacije</i> <i>Dostava javnog poziva na objavljivanje na Portalu javnih nabavki i u «Sl. glasniku BiH»</i> <i>Rok za podnošenje i otvaranje ponuda</i> <i>Rok za donošenje odluke o izboru najpovoljnije ponude</i> <i>Rok za zaključenje ugovora</i>	U roku od pet dana od dana zaprimanja Odluke o pokretanju postupka nabavke od strane Komisije za nabavku U roku od jednog dana po završetku tenderske dokumentacije Min 10. dana od dana objave nabavke na Portalu JN Do tri dana od dana davanja saglasnosti ovlaštenog lica na Zapisnik o ocjeni ponuda U skladu sa čl. 98. ZJN
Lica zadužena za pripremu tehničke dokumentacije	Aida Alibegović
Tehnička specifikacija	U prilogu
Minimalni nivo finansijske, odnosno tehničke i stručne sposobnosti ponuđača, ukoliko je potrebno	Rješenje iz kojeg će biti vidljivo da je ponuđač registrovan za obavljanje predmetne djelatnosti; Za vozilo pod garancijom usluge mora pružati ovlašteni servis.
Kvalitet, količina i opis roba, radova ili usluga	Detaljno u specifikaciji u prilogu
Kriterije koji će se primjenjivati prilikom ocjene ponuda	Ekonomski najpovoljnija ponuda u skladu sa podkriterijima: a) cijena 90%; b) operativni trošak 10%
Rok izvođenja radova, isporuke robe, pružanja usluge	Sukcesivno u skladu sa potrebama; Okvirni sporazum se zaključuje sa jednim ponuđačem za ugovorni period od godinu dana ili finansijske realizacije istog
Mjesto izvršenja	Sjedište ponuđača (Sarajevo)
Rok, način i uslovi plaćanja	U skladu sa Dinamičkim planom rashoda, plaćanje do 30 (trideset) dana od dana prijema računa
Eventualne dodatne usluge, održavanje, garantni rok	Za ugrađene dijelove garancija u skladu sa propisima proizvođača, a na izvršene usluge 12 mjeseci od dana izvršenja istih
Osoba zadužena za kontrolu izvršenja ugovora	Odsjek za finansijsko-materijalne poslove
Ostali bitni podaci (šifra JRJN)	50112000-3 - Usluge popravaka i održavanja vozila


Podnosilac zahtjeva


 
Rukovodilac osnovne organizacione jedinice

Potvrđuje se raspoloživost sredstava za predmetnu nabavku.


Za Šef Odsjeka za finansijsko-materijalne poslove

Odobrava se predmetna nabavka i nalaže Sektoru za pravne i finansijske poslove poduzimanje mjera i aktivnosti za realizaciju nabavke.


KF-2113


(ovlaštena osoba)

TEHNIČKA SPECIFIKACIJA
Usluge održavanja i servisiranja
ovlašteni servis za vozilo marke Volkswagen u garantnom roku

Predmet nabavke je nabavka usluga održavanja i servisiranja 1 službenog vozila Ministarstva komunikacija i prometa Bosne i Hercegovine (u daljem tekstu: MKT) marke Volkswagen i to:

Motorno vozilo marke Volkswagen, tip Passat 2.0 TDI, reg. oznaka T54-A-840, zapremina motora 1968 ccm, motor snage 147 kW, proizvedeno 2022. godine.

Motorno vozilo posjeduje garanciju od 4 (četiri) godine ili 120.000 km na motor, na lak i karoseriju od strane uvoznika od kojeg je vozilo kupljeno, AC QUATTRO d.o.o. Sarajevo, te mora biti servisirano i održavano u ovlaštenom servisu.

Servisiranje i održavanje službenog vozila MKT marke Volkswagen obuhvata slijedeće usluge:

R. br.	Opis
1.	Zamjena motornog ulja
2.	Zamjena uljnog filtera
3.	Zamjena filtera goriva
4.	Zamjena zračnog filtera
5.	Zamjena filtera polena
6.	Zamjena kočionog ulja
7.	Zamjena ulja za DSG mjenjač
8.	Zamjena ulja u HALDEX spojci
9.	Zamjena filtera za DSG mjenjač
10.	Ad blue sa zamjenom
11.	Zamjena metlica brisača
Procijenjena sredstva:	
sa PDV 6.000,00 bez PDV 5.128,21	

Prilikom izvršenja usluge, ponuđač je posebno dužan:

- izvršiti dijagnostiku svakog kvara na vozilu bez naknade,
- dijagnosticiranje kvara vozila vršiti na dijagnostičkoj opremi koja može biti preporučena od strane generalnog zastupnika u Bosni i Hercegovini za vozila ugovornog organa čije servisiranje i održavanje je predmet nabavke;
- na zahtjev ugovornog organa: spojiti vozilo na dijagnostički uređaj, tražiti kod greške, dešifrirati kod greške, printati rezultate dijagnostike i komentirati rezultate dijagnostike,
- ugovorni organ zadržava pravo da u slučaju sumnje na pogrešnu dijagnostiku kvara, izvrši provjeru rezultata i komentara rezultata dijagnostike. Provjeru rezultata dijagnostike i njenog komentara će izvršiti ovlašteni sudski vještak mašinske struke. Ukoliko se provjerom potvrdi da ponuđač nije adekvatno dijagnosticirao kvar, nalaz vještaka plaća ponuđač, a ponuđač je obavezan o svom trošku otkloniti kvar, u protivnom ga plaća ugovorni organ,
- izdati predračun za servis/popravku vozila prije početka usluge (za redovan servis nije potreban predračun), servisirati vozila samo na osnovu izdate narudžbenice, a proširenje usluga mimo narudžbenice samo uz saglasnost ugovornog organa i obavezno pribavljanje dodatne narudžbenice po dodatnom predračunu,
- zapisnički primo-predati vozila u slučajevima kada vozilo nije pod kontrolom osobe koja je dovezla vozilo na servis/popravku tj. ako ostaje na servisu duže od jednog dana,
- otvoriti radni nalog za svaku uslugu koji će da sadrži: opis servisne usluge, podatke o vozilu (broj motora i broj šasijske, reg. broj vozila, trenutno stanje kilometar sata),

specifikaciju i količinu ugrađenih dijelova, vrijeme i datum početka i završetka usluge servisa. Ovaj radni nalog će biti sastavni dio svakog računa. Radni nalog mora biti potpisan punim imenom i prezimenom od strane predstavnika ugovornog organa koji preuzima vozilo,

- održavanje i/ili servis vozila izvršiti najkasnije u roku od 24 sata. Ukoliko ponuđač nema potreban dio na stanju, rok za servis vozila može biti najkasnije sedam dana. U tom slučaju ponuđač je dužan osigurati besplatnu zamjenu servisiranog vozila u toku servisa vozila ugovornog organa drugim vozilom istih karakteristika kao i vozila koje se servisira, što je prije moguće, a najkasnije nakon proteka roka od 24 sata od prijema vozila,
- pridržavati se cijena usluga i dijelova dostavljenih u ponudi,
- sipati ulja za motor koje odgovara preporukama proizvođača vozila za navedenu vrstu i tip vozila,
- obavezno se pridržavati cijena usluge i dijelova ponuđenih po ponudi, kao i pridržavati se normativima za zamjenu dijelova propisanih od strane proizvođača vozila za usluge koje nisu obuhvaćene tenderskom dokumentacijom,
- za ugrađene dijelove dati garanciju u skladu sa propisima proizvođača, a na izvršene usluge 12 mjeseci od dana izvršenja istih,
- prilikom ugradnje koristiti isključivo nove i nekorištene dijelove kompatibilne sa vozilom u koje se ugrađuju, koji obezbjeđuju sigurno i optimalno korištenje vozila i koji su preporučeni od strane proizvođača vozila. Ugovorni organ zadržava pravo da u slučaju sumnje izvrši provjeru da li je ugrađeni dio nov i nekorišten, koju provjeru će izvršiti ovlašteni sudski vještak mašinske struke. Ukoliko se provjerom potvrdi da ugrađeni dio nije nov i nekorišten, nalaz vještaka plaća ponuđač, a ponuđač je obavezan o svom trošku ugraditi originalni dio, u protivnom ga plaća ugovorni organ,
- vršiti ovjeravanje izvršenih servisa, podešavanje narednog redovnog servisnog intervala na putnom računalu (za vozila koja imaju ugrađen isti) kao i upis sljedećeg termina za servis na propisan način,
- vozila ugovornog organa uzimati u rad kao prioritarna,
- brzo i efikasno dijagnosticirati svaki kvar u roku od 24 sata. Nemogućnost dijagnosticiranja kvara od strane ponuđača, može biti razlog raskida ugovora,
- rezervne dijelove, ulja, maziva i tečnosti fakturisati po cijenama datim u Ponudi,
- u slučaju promjene cijena u odnosu na dostavljene cijene, ponuđač je dužan dostaviti potvrdu proizvođača o promjeni cijene. U suprotnom, ugovorni organ nije dužan platiti uvećanu cijenu, već cijenu koja je dostavljena u Ponudi,
- odmah, istog dana kada je kvar prijavljen, osigurati intervenciju šlep službe ukoliko vozilo nije moguće osposobiti na mjestu kvara. Bez obzira na mjesto kvara, vozilo šlep službom dovesti do izabranog servisa,
- osigurati da sve usluge šlep službe, bez obzira na mjesto kvara vozila ugovornog organa, do 30 km od sjedišta ovlaštenog servisa budu besplatne.